

«UDRUŽENJE ESTRADNIH IZVOĐAČA  
ZE-DO KANTONA»

**P R A V I L N I K**  
O MATERIJALNO FINANSIJSKOM POSLOVANJU  
«UDRUŽENJA ESTRADNIH IZVOĐAČA ZE-DO KANTONA»

Na osnovu čl. 12. Zakona o udruženjima i fondacijama ("Sl. Novine br. 45/02") i čl. 58. Statuta "Udruženja estradnih izvođača ZE-DO Kantona", Predsjedništvo Udruženja na sjednici održanoj dana 19.06.2004. godine donosi:

**P R A V I L N I K**  
**O MATERIJALNO-FINANSIJSKOM POSLOVANJU**  
**"UDRUŽENJA ESTRADNIH IZVOĐAČA ZE-DO KANTONA"**

**I. OPĆE ODREDBE**

**Član 1.**

Ovim Pravilnikom uređuje se način stjecanja, raspodjele, raspolaganja i korištenja sredstava članarine, kao osnovnog izvora finansiranja Udruženja, te i drugih prihoda.

**Član 2.**

Materijalno-finansijsko poslovanje u Udruženju vodi se u skladu sa ovim Pravilnikom, Zakonom o knjigovodstvu, Zakonom o porezu na dohodak, te ostalim pozitivnim zakonskim propisima.

**Član 3.**

Osnovna načela materijalno-finansijskog poslovanja Udruženja su:

- finansiranje jednim dijelom iz budžeta općina i Kantona,
- samostalnost finansiranja,
- namjensko i racionalno korištenje i upotreba sredstava,
- neotuđivost imovine Udruženja,
- kontrola sredstava ostvarenih vršenjem propagande, publicističko-izdavačke djelatnosti  
kontizacije marketinga, sponzorstva, produkcije vlastitog stvaralaštva, promocije,
- plasmana, izdavanja radnih dozvola i dr., od za to nadležnih organa,
- stvaranje fondova posebne namjene.

## II. ČLANARINA I POTVRDE

### Član 4.

Visinu članarine utvrđuje Skupština Udruženja.

Članarina godišnje iznosi 40,00 KM.

### Član 5.

Cijena izdate potvrde o pripadnosti Udruženju i druge potvrde je 20,00 KM za izvođače članove Udruženja.

Cijena izdate potvrde za izvođače koji nisu članovi Udruženja je 60,00 KM.

### Član 6.

Za neizmirenu članarinu za godinu dana, estradnom izvođaču prestaje članstvo u Udruženju, a stim sva prava i obaveze koje je ostvarivao u Udruženju.

## III. KORIŠTENJE SREDSTAVA UDRUŽENJA

### Član 7.

Članarina i sredstva iz drugih izvora koriste se u slijedeće svrhe:

- finansiranje svih muzičkih i drugih aktivnosti,
- kursevi, seminari, takmičenja i javni nastupi,
- folklorna, dramska, književno-poetska, plesna i dr. sekcije,
- produkcija vlastitog stvaralaštva, promocija i plasman,
- finansiranje profesionalnih lica Udruženja,
- finansiranje sjedišta Udruženja (zakup kancelarije, kancelarijski materijal, telefon, faks, kopir aparat, elek.energija, grijanje i ostale komunalije i dr.)

#### IV. FINANSIRANJE PROFESIONALNIH LICA UDRUŽENJA

##### Član 8.

Sekretar Udruženja (čl. 43. Statuta Udruženja) sa Predsjedništvo Udruženja sklapa Ugovor o radu kojim se reguliše pravo na plaću, s tim da ne može biti manja od najniže plaće u ZE-DO Kantonu.

Ostavlja se mogućnost profesionalizacije i drugih lica u Udruženju (menadžer, uposlenici u Radnoj zajednici i dr.), čija će se prava i obaveze regulisati Ugovorom o radu, a u skladu sa Zakonom o radu.

#### V. RASPOLAGANJE IMOVINOM UDRUŽENJA

##### Član 9.

Pokretnom i nepokretnom imovinom raspolaže Predsjedništvo Udruženja. Takođe je odgovorno za kupovinu i prodaju imovine. Naloge za kupovinu i prodaju imovine potpisuje Predsjednik Predsjedništva Udruženja i zamjenik Predsjedništva Udruženja. Sva sredstva moraju se voditi u skladu sa Zakonom i uputstvima temeljenim na zakonitim odlukama organa Udruženja.

##### Član 10.

Imovina je neotuđiva i neprenosiva, te predstavlja zajedničku imovinu svih članova Udruženja. Istupanjem člana iz Udruženja, gubi pravo na tu imovinu.

##### Član 11.

Sva novčana transakcija sredstava vode se putem žiro-računa u ovlaštenoj banci.

## Član 12.

Evidenciju o svim sredstvima vodi Sekretar Udruženja koji o stanju upoznaje nadležna tijela Udruženja.

## VI. MATERIJALNO-FINANSIJSKO POSLOVANJE

### Član 13.

Materijalno-finansijsko poslovanje obuhvata izradu i donošenje plana prihoda i rashoda, te blagajničko poslovanje u skladu sa Zakonom.

### Član 14.

Plan prihoda i rashoda donosi se u skladu sa Zakonom i Uputstvom Kantonalnog ministarstva.

Do donošenja godišnjeg plana za tekuću godinu, Udruženje se finansira i funkcioniše na temelju privremene Odluke o finansiranju.

Odluka o privremenom finansiranju u idućoj godini donosi se do 31. decembra tekuće godine, odnosno najkasnije do 31. januara naredne godine.

Plan prihoda i rashoda, kao i završni račun, usvaja Skupština Udruženja.

## VII. NADZOR NAD PRIHODIMA I MATERIJALNO-FINANSIJSKIM POSLOVANJEM

### Član 15.

Nadzorni odbor koji broji 3 (tri) člana vrši kontrolu nad prihodima i materijalno-finansijskim poslovanjem Udruženja. (čl. 44. Statuta Udruženja).

#### Član 16.

Sve neispunjene obaveze iz ovog Pravilnika povlači za sobom sankcije i mjere utvrđene Statutom Udruženja.

#### Član 17.

Zakornost korištenja sredstava Udruženja obavlja Nadzorni odbor. Zadatak istoga je kontrolisanje, jesu li sredstva korištena, ne samo u saglasnosti sa zakonskim odredbama, nego i u saglasnosti s Odlukama organa Udruženja.

#### Član 18.

Nadzorni odbor se sastaje prema potrebi, odnosno na zahtjev jedne trećine članstva Udruženja, ako za to postoje razlozi, ali najmanje dva puta godišnje.

O nalazu Nadzornog odbora, isti je dužan pismeno izvjestiti Predsjedništvo Udruženja i Skupštinu Udruženja, koji na svom prvom sastanku razmatraju isti.

### VIII. PRELAZNE I ZAVRŠNE ODREDBE

#### Član 19.

Odluke i uputstva o načinu korištenja i prikupljanja sredstava za potrebe Udruženja, koje donosi Predsjedništvo Udruženja, poslije stupanja na snagu ovog Pravilnika, sastavni dio su istoga.

#### Član 20.

Ovaj Pravilnik ne može biti u suprotnosti sa zakonskim propisima. Ukoliko u međuvremenu dođe do promjene u zakonskim propisima, te pojedine odrednice Pravilnika budu u suprotnosti sa Zakonom, do usaglašavanja Pravilnika sa Zakonom, taj se član smatra nevažećim.

Član 21.

Izmjene i dopune ovog Pravilnika donosi organ koji ga je usvojio, odnosno Skupština Udruženja.

Član 22.

Za tumačenje ovoga Pravilnika, nadležna je Skupština Udruženja.

Član 23.

Danom donošenja ovog Pravilnika, prestaju vrijediti svi dosadašnji Pravilnici, Odluke I uputstva ranije donešena.

Član 24.

Ovaj Pravilnik stupa na snagu danom donošenja.

Zenica, 19.06.2004. godine

BROJ: 11/04

PREDSJEDNIK  
PREDSJEDNIŠTVA



Milenko Karović /